

**Uunga siunnersuut: Avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersup allanngortinneqarnera pillugu Inatsisartut inatsisaat nr. xx, xx. xxxx 2012-meersoq.**

(Nunamut Namminermut, Pinngortitamut Avatangiisinullu Naalakkersuisoq)

**Saqqummiussissut**

(Nunamut Namminermut, Pinngortitamut Avatangiisinullu Naalakkersuisoq)

**Siullermeerneqarnera**

UKA 2011-mi Inatsisartut avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersoq akuersissutigaa. Tamatuma kingorna paasineqarpoq inatsit kalaallisut aamma danskisut assigiingissuteqartut. Danskisut § 68-mi ilaatinneqarpoq imm. 2, taannalu kukkunikkut inatsimmi kalaallisut ilaatinneqarsimanngilaq. Imm. 2-p oqaasertarai:

”Imm. 2. Akiliisitaanernit, Inatsisartut inatsisaat manna imaluunniit Inatsisartut inatsisaat manna naapertorlugu najoqqutassat aalajangersarneqartut malillugit eqqartuussissutigineqartut Nunatta Karsianut tutsinneqassapput.”

Inatsip oqaasertai danskisut kalaallisullu imminnut naapertuutinnikkaanga, inatsisip oqaasertai kalaallisut allassimasut atuutsinneqartarput.

Inatsimmi aalajangersakkamik inatsit manna naapertorlugu akiliisitaanerni akiliutit Nunatta karsianut tutsinneqartarnissaannik ilaqangippat, akiliisitaanerni akiliutit nalagaaffiup karsianut tutsinneqartassapput. Taamaammat inatsit manna naapertorlugu akiliisitaanernit akiliutit Nunatta karsianut tutsinneqartarnissaat qulakkeerumallugu siunnersuut pisariaqarpoq.

Allannguutissatut siunnersuummi qulakkeerneqarpoq inatsimmit aalajangersakkat allassimasut danskisut kalaallisullu assigiilernissaat.

Taamatut oqaaseqarlunga Naalakkersuisut sinnerlugit suliaq Inatsisartuni suliarisassanngortippara.